



Шормо эл, порымлык да гын веер!

19-ше (3303) №,
2017 ий 6 май,
шуматкече.

ЯМДЕ ЛИЙ

1933 ий 1 февраль годсек лектеш.

0+

9 май - Сенгымаш кече



ОНЧЫК ИЛЫШЫН ҮШАНЖЕ

Ме, йоча-влак, кушкына.

Лийже мир тўня ўмбалне,

Сар огеш кўл мыланна!

А.БИК.



Пайрем дене!

Россий историйыште эн кугу пайрем – **Сенгымаш кече** – дене саламлем!

Тиде пайрем кажне ешлан шерге. Мыланна тудо Родиным аралышаш верч илаш-колаш кредалше, тылыште геройло пашашт дене Сенгымашым лишемдыше, шаланен пытыше элнам угыч нолтен тўзатыше-влакым шарныкта. Кугу Отечественный сарыште сенгыше тукумын подвигыше патырлыкын, пенгыдылыкын да икоян улмын образцеше семын курымеш ушешна кодеш.

Тыланда тыныслыкым, пайрем кумылым, тазалыкым, улан, пиалан илышым, кужу ўмырым тыланем.

Марий Эл Республик вуйлатышын пашажым жаплан шуктышо А.А.ЕВСТИФЕЕВ.

Татьяна ОСМАНОВАН

плакатше.
Национальный президент
сымыктыш школ.
Вуйлатыше - **Марина Михайловна ШИРМАНОВА.**

Подписке - 2017

11-21 МАЙЫШТЕ

Россий мучко подписке
декаде эрта.

Нине кечылаште «Ямде лий» газетлан тыгай ак дене возалташ лиш:

- 259 тенгеат 98 ыр – почталъон мўнгыда конден пуа;

- 245 тенгеат 70 ыр – почтыш-ко шке миен налыда гын.

рекламе.

«Почта России» каталогышто муыда. Индекс – **П4696**



Тыйын **Лотерей** роликан конькиет

уло? Уке гын, тыгай коньким «Ямде лий» газетын эртарыме лотерей модышышто сенген налын кертат. 2017 ийын II пелыжлан «Ямде лий» газетлан подпискым ыште да квитанцийым (копийжым) редакцийыш колто.



«Ямде лийын» чап огаже

Школьник-влакын Всероссийский олимпиадышт иктешлалтын. Марий Эл гыч 12 тунемше лу предмет дене шинчымашыжым терген. Сенгыше-влакын лұмышт:

Сергей Золотарев (Йошкар-Ола, 28-ше №-ан лицей, 11-ше кл.) – экономике да математике дене призёр,
Мария Шерстнева (Йошкар-Ола, 9-ше №-ан школ, 9-ше кл.) – физкультур дене призёр,
Игорь Петров (Йошкар-Ола, Бауман лицей, 10-шо кл.) – физкультур дене призёр,
Руслан Сафин (Волжск олесе лицей, 10-шо кл.) – физкультур дене призёр,
Даниил Эскоскин (Козьмодемьянск олесе лицей, 9-ше кл.) – физике дене призёр,
Анастасия Коновалова (Йошкар-Ола, Бауман лицей, 11-ше кл.) –

право дене призёр,
Екатерина Холодаева (Йошкар-Ола, 28-ше №-ан лицей, 11-ше кл.) – руш йылме дене призёр,
Виталий Кардаков (Йошкар-Ола, А.С.Пушкин лұмеш 4-ше №-ан гимназий, 11-ше кл.) – ОБЖ дене призёр,
Евгений Чучалин (Политехнический лицей-интернат, 11-ше кл.) – биологий дене призёр,
Евгений Ромах (Йошкар-Ола, 28-ше №-ан лицей, 11-ше кл.) – географий дене призёр,
Павел Зыков (Марий Турек район, Косолоп кыдалаш школ, 10-шо кл.) – технологий дене призёр.

«Ший талешке»

Республикысе марий тўвыра рўдерын эртарыме «Ший талешке» фестивалыш тўрлў школ гыч 16 ўдыр-рвезе ушнен. Фестиваль I Марий Погынын делегатше-шамычлан да чапланыше марий ўдырамаш-влаклан пўлеклалтын. Жюри Кристина Быкован (Куженер, Конганур), Валя Кушакован (Советский, Кодам), Дима Михайловын (Волжский, Кугу Корамас), Аня Атлашкинан (Йошкар-Ола, 14-ше гимназий), Полина Ятманован (Оршанке, Упшо) пашаштым ойырен палемден.

Л.ГРИГОРЬЕВА.

Авторын фотожо.



Медведево район Юбилейный школ гыч Ирина Григорьева (**снимкыште - шола гыч кокымшо**) культурологий доктор Г.Е.Шкалина нерген шымлыме пашаж дене Гран-прим налын.

Арун возо!



Конкурсш 19 школ гыч 2-4-ше класслаште тунемше-влак ушненыт. Йоча-шамыч темлыме текст-влакым чын да чаткан возеныт. Сенгышыш лек-

22 апрельште Руэм кыдалаш школышто «Пишу красиво» районысо конкурс кумшо гана эртен.

тыныт: 1-ше вер – **Даниил Евдокимов** (2-шо «В» кл.), **Арина Соколова** (Руэм, 2-шо «А» кл.), **Екатерина Иванова** (Шойбулак, 3-шо «Б» кл.), **Виктор Торопов** (Знаменский, 4-ше кл.).

Л.Г.ИВАНОВА.

Медведево район.

Пайдале модыш

Шахмат дене модмаш уш-акылым виянда, шонаш тарата, ончыко ужаш туныкта. Мыланем тыгай модыш пеш келша. Школышто «Шахмат» кружок почылтмек, вигак возалтым. Тудым самырык туныктышо И.Г.Богданов вўда. Иван Григорьевич шахмат дене пеш сайын модеш. Мыланнат тўрлў ходым умылтара. И.Г.Богданов математике ден физикым туныкта. Уроклажым онгайын эртарат, сайын умылтарат. Сандене математике – эн йўратыме урок.

Максим ИВАНОВ,
 6-шо класс.
 У Торъял, Кузнеч.





Туныктымo маcтарлык аклалтын

Йоча-влак, шинчымашдам түрлө конкурсышто, экзаменыште те веле огыл тергеда. Туныктышыда-влакат шке коклаштышт танасымашым эртарат. 25-28 апрельште 2-шо номеран Медведево школышто туныктымo маcтарлык республикысе конкурс-влак лийыныт. Туныктышо-влак почмо урокым, мастер-классым эртареныт, туныктымo проектышт дене палдареныт. «Йыргешке үстел» йыр погынен, түрлө темым кагашеныт.

М.СКОБЕЛЕВЫН фотожо-влак.

Л.НИКОЛАЕВА.

«Марий Эл Республикын уста туныктышыжо – 2017» лұмым Йошкар-Оласе 11-ше номеран лицейыште математикым туныктышо Татьяна Александровна Пахмутова сенген налын.


Конкурсш түрлө район да ола гыч 14 педагог ушнен.



«Уста воспитатель» лұмым Светлана Александровна Ведерникова (Волжск, 28-ше номеран «Хрусталик» йочасады) сулен. Ты конкурссышто 16 воспитатель танасен.



«Уста марий туныктышы» конкурссышто 11 педагог мастарлыкшы терген. Курыкмарий район Вилловат школын туныктышыжо Елена Витальевна Шалаева сенышыш лектын.



«Чонем йоча-влаклан пуэм» конкурсш ушнышо вич педагог коклаште Шернур районысо Йоца усталык пörтын ешартыш шинчымашым пуышо туныктышыжо Валентин Петрович Алгаев эн уста улмыжым ончыктен.



Сенгыше-влак Марий Элын чапшым Всероссийский конкурссышто аралат.

Танкист

Кочам Альберт Петрович Волков Куженер район Руш Шой ялыште ила. Мый икана «Отличник Советской Армии» значокшым муын луктым. Ончен шинчымемым кочам ужылаштыш да армийыште лиймыж нерген каласкалыш. Тудо кок ий Берлиныште танковый войскаште служитлен. Сержант, старший механик-водитель лийын. Т-34 танкше дене военный полигонышто эртаралтше ученийыште сенгышыш лектын. Танк дене кудалышташ пеш йöратен, боевой машинаж нерген кызытат шарнен ойна.

Кочам 24 ий «Знамя» колхозышто тракторист-машинистлан пашам ыштен. Унала мийымемлан пеш чот йывырта, вет ме Элпанурышто илена.

Александр ПЕТРОВ.
Параньга район.



«Д» буква мом ончыкта?

Рома Морозов Куженер район Нурсолаште ила. Куженер посёлкысо «Йошкар ули» йочасадыш кажне кечын ачаже але кочаже машина дене шушыжтат.



Лудшына-влак, фотосүретым түсленрак ончалза-ян. Мый ушакылдам пудыратылаш заданийым пуэм: коча ден уныка коклаште могай икгайлыкым ужыда? Тиде «Д» буква. «Мом тудо ончыкта?» – йодыда дыр теат.


– Москосо «Динамо» футбол командын икымше букважым! Вургемлаш «Д» буква келыштарынам – кочамын хоббиже, – чолган вашештыш уныка, ныл ияш Рома Морозов. Рвезе, йол үмбаке шогалмекше, вигак мечым чумаш тўналын. Тидлан тудым кочаже, Севериан Александрович, шўманден. Кызыт уныка кочаж дене пырля ялысе футбол командыште лўдде модеш. Кочаже почешак «Динамо» футбол командын фанатше лийын. Илен-толын, ала Ромам уста футболист-влак радамыште ужаш логалеш? Тек тыгак лиеш!

Л.ГРИГОРЬЕВА.



Юнармеец улына

Адрес:
Марий Эл Республик,
Советский посёлко,
Пушкин урем, 32 «А» пöрт,
3-шо номеран школ.



«Патриот» военно-патриотический толкын (движений). Вуйлатыше – ОБЖ предметым вудышö, күкшö категориян тунуктышо Владимир Александрович Леухин (снимкыште - покшелне): «2008 ийыште икымше кадет классым почмо. Тачысе кечылан кум корпусышто 72 кадет тунемеш. 2016 ийыште мемнан школнам «Российское движение школьников» йоча да самырык-влакын организацийыштын площадкыштан ойырен налме. Кадетна-влак Россиясе Юнармий движенийыште улыт».

Любовь ЛЕУХИНА 9-ше классыште тунемеш. Онгышкыжо түрлö значок-влакым пижыктыме.



– Иктыжым 2016 ийыште ГТО-м сдатлы мемлан (ынде мыйын 4-ше ступень), весыжым школысо активыште кумшо ий почела лий мемлан 3-шо степенян значокым пуэныт, – умылтарыш үдыр. – Кумшыжо эн шергакан. Тудым 3 гыч 18 июль марте Москва воктенысе Бородино пасушто «БОРОДИНО-2016» всероссийский военно-патриотический лагерьыште лий мемлан налынам. Республикнан чапшым аралаш мемнан школлан үшаненыт, тушко 22 кадет миен. Марий Элыште эн мотор үдыр-влак илат, арам огыл «Мисс Бородино-2016» титулым мый сенген налым, – шыргыжале кадет форман үдыр.

СПРАВКЕ семын: «БОРОДИНО-2016» всероссийский военно-патриотический лагерьым «Ратники Отечества» благотворительный фонд ден Россиясе военно-исторический обществе эртареныт.




Ончыкылык салтаклан спорт деч посна ни гүзеат ок лий. Тиде школын тунемшыже-влак спорт дене пенгыде кылым кучат. 24 кадетын полиатлон дене түрлö разрядше уло, ныл тунемше – тиде вид денак спорт мастерыш кандидат.

Наталья СЕМЕНОВА ямдылен.

Акций-влак:

☆ 2016 ий февраль гыч март марте кадет-влак «Самырык пагытыштым шольштышо сар» («Война, укравшая их юность») проект почеш шке районьшт, ялышт гыч войнаш кайыше 17-18 ияш самырык ен-влак нерген материалым погеныт. 6 майыште Советский посёлкышто эртыше митинг годым портретан 23 штендерым нумал ошкылыныт. Иктыже пуста – увер деч посна йомшо салтак лүмеш – лийын. Советский район гыч чылаже 69 самырык (17-18 ияш) рвезе-үдыр фронтышто элнам арален.



☆ «Салтаклан серыш» («Письмо солдату»), 2017 ий – Сирийыште служитлыше салтак-влаклан 105 серышым колтеныт.

☆ «Сенгымашын йүкшö» («Голос Победы») районысо муро конкурсышто Валерия Александрова, Дарья Викулова, Ольга Чернядьева, I степенян, а Алексей Кирьяйнен II степенян Диплом дене палемдалтыныт.



Кадет-влак ветеран-влакымат огыт мондо. Сарыште да тылыште лийше шонго-влакым Сенгымаш кече вашеш саламленыт, шке кид дене ыштыме открытым кучыктеныт.

«ТЕОДОР НЕТТЕ» корабльыште



Кугезе кочам Николай Семенович Тимков 1912 ий 1 июльышто Кугу Йырсе ялеш шочын. Ешыште ныл йоча гыч кумшо лийын. Тудо Йырсе да Элнет школлаште, Красноуфимскысе марий педтехникумышто тунемын. Ульяновскысо пединститутышто тунеммыж годым Йошкар Армийыш налыныт. Кочам «Теодор Нетте» корабльыште служитлен. Кугу Ачамланде сар годым салтак-влаклан кочкышым, арвер-влакым шупшыктен. Сар корныж нерген дневникеш возен коден. 1946 ийыште старший лейтенант званий дене мӱнгӱ пӱртылын. Оныштыжо Йошкар Шӱдыр, II степенян «За заслуги перед Отечеством» орден-влак да ятыр медаль кеченыт.

Мый кочам дене кугешнем. Рвезе-влаклан шочмо-кушмо верым йӱраташ да аралаш эре ямде лияш тыланем. Тек мыйын Николай кочам тыландат пример лиеш.

Алина ТИМКОВА, 8-ше класс.

Одо кундем, Алнаш район, Одо школ.

Тений Российын Президентше В.В.Путинын Сенгымаш кече дене саламлымашыжым Марий Элыште илыше 8284 еҥ налеш. Тиде: ★ тылын 7831 труженикше, ★ Кугу Отечественный сарын 237 участникше да 80 инвалидше, ★ Ленинград блокадыште илыше 28 еҥ, ★ концлагерьын 43 узникше. Серышым 2 гыч 9 май йотке кучыктат.

Ӱмашсе дене танагастарымаште, ветеран-шамычын чотышт 1816 еҥлан шагале-мын.



Марий мланде гыч - Берлиныш

- Йоча-влак, мом тыгай-ым ыштеда? - Йошкар-Оласе 2-шо номеран школын 3-шо классышкыже пурен шогалмек йодым. Но нунышт вуйыштымат нӱлталаш огыт ярсе, пеш чиялтат. Сандене директорын алмаштышыже Т.Н.Гребневалан (снимкыште - шолаште) умылтараш перныш:

- Кокымшо ий шарнымаш сорталан подставкым сӱрастарена. Тиде акцийыш оласе 29-ше, 27-ше номеран школ-влак ушненыт. Сорта-влакым «Ночные волки» клубын байкерже-влак Сенгымаш кечын Берлиныште чӱктат.

Н.СЕМЕНОВА.



Проект кум ий ончыч шочын. Авторжо - Дмитрий Мишин.

Ончыкылык салтак

Шӱдӱ гыч 16-шо!

Школнан 9-ше классыштыже тунемше-влак Артём Петров ден Данил Воронцов допризывной молодёжык районсо Спартакиадышкыже миеныт. Шӱдӱ угла участник кокла гыч Артём 16-шо верыш лектын: винтовко дене лӱйкалымаште - 2-шо вер, подтягиванийым ыштымаште (капшым 26 гана нӱлталын) - 1-ше вер, 16 килограмман кирам 110 гана нӱлталын, 2-шо вер дене палемдалтын.

Параньга, Элпанур.

Ольга ЧАЙКИНА.

Тыныс верч

Сарын шучкылыкшым ме книга да телевидений гоч ужна. Совет калыкын подвигшым эре шарнышаш улына. 9 апрель гыч 9 май марте школыштына Шарнымаш вахте эрта. Туныктышо-влак Кугу Ачамланде сар нерген каласкалат. Сар да тыныс-лыклан пӱлеклалтше сӱрет конкурс лие. Алиса Яндимирован сӱретше (шолаште) эн чот келшыш.



Дарья САПАРОВА.
Шернур, Летник.

Сар

Осал, лӱдыкшӱ.
Кредалыт, лӱйкалат, пуштедат.
Сар - эн шучко пагыт.

Синквейн

Сӱй.
Татьяна ИВАНОВА.
Морко, Эгерсола.



Йылме пеледышым лого



Күкшö категориян туньктышо, кок гана Россий Президентын грантшым налше, Россий Федераций общий образованийын почётан пашаенже, Йошкар-Оласе 21-ше номеран школышто кугыжаныш мари йылме урокым вудышö О.Н.ВАСЕНИНА ямдылен.

1 Йодыш-влаклан вашештыза.

1. Козьмодемьянск ола кушто верланен?
2. Молан Козьмодемьянск Марий Элыште эн тошто олалан шотлалтеш?
3. Козьмодемьянскыште мыняр тоштер уло?
4. Тый Козьмодемьянск олаште лийынат мо?

5-ше класслан

«Юл энер воктене» темым иктешлыше заданий-влак

2

Күлеш мут-влакым ешарыза.

Козьмодемьянск - _____ ола. Тудым _____ чонымо. Кугу Отечественный сар деч вара ола эше _____. Козьмодемьянск кок _____ гыч шога. Күшнö, курыкан ужашыште, шуко _____ пöрт, завод, _____ лүмеш тўвыра полат, _____ кино-театр улыт. Ёлнö _____ да _____ пöрт-влак аралалт кодыныт. Нуно кызатат _____ сöрастарат.



Для справок: олам, «Акпарс», тошто, купеч, Я.Эшпай, пачашан, кушкын, ужаш, 1583 ийыште, тошто.

Предложений-влакым чонгыза.

3

Европын, энер, кугу, Юл, эн, энерже. Шотлалтеш, Юл, Марий Элыштат, кугу, энерлан, эн. Наре, тудо, шуйна, мланде, гоч, мари, 155 километр. Козьмодемьянск, шочмо кундемнан, олаже, Волжск, верлана, Юл, серыште, энер, Звенигово, кум.

4

Скобкышто пуймо мут-влакым марлаш кусарыза.

Кава йымалсе этнографий тоштерым _____ (в 1983 году) почыныт. Тунам Козьмодемьянск олалан _____ (400 лет) темын. Тоштерын кумдыкшо _____ (5 гектаров), тушто _____ (60 видов) оралте, _____ (около 2000) арвер уло.

Турист-влак чылажымат куанен ончат.

5

Предложений-влакым марлаш кусарыза.



Александр Владимирович Григорьев – первый марийский художник.

Он родился 28 мая 1891 года в селе Пöртныр Горномарийского района.

Александр Владимирович учился в Казанской учительской семинарии и в Казанской художественной школе.

Затем он учился в училище живописи, ваяния и зодчества в Москве.

В 1919 году он открыл краеведческий музей в Козьмодемьянске.

В 1930 году он создал Союз художников и сам им руководил.

С 1966 года Козьмодемьянский краеведческий музей носит имя А.В.Григорьева.

6

Тоштер лүм-влакым возыза. Ик тоштер нерген ешартыш материалым погыза, текстым чонгыза, «Ямде лий» редакцияйыш колтыза.



Шекланыз

Пудий лектын

Шокшо игече пудий-влакым помыжалтарен. Йоча-влак, пудий пижеш гын, те черланен кертыда.

Сандене шарныза:

Хчодыраш, пүртүс лонгаш лекмыда годым кужу шокшан вургемым, йолашым чийыза. Тыге пудий могырышкыда пурен огеш керт.

Х Кажне 15 минут гыч пудий пижме деч икте-веседам тергыза.



Уремыште - май

Шошо мландым волгалтарыш, Кечыйол окнаш онча. А каваже канде-канде – Пүртүс угыч илана. Ах, чонлан могае сай! Шокшо да куанле. Уремыште - угыч май, Угыч илыш ямле.

Вика МИХАЙЛОВА.
Морко, Кожлаер.

Чевр кече ош лумым шулыктыш. Изи лакылашке вуд темын ыле. Йоча-влак дене пырля кораблыкым ыштышна. Нунылан пушым колтен модаш пеш келшыш (**снимкыште**).
И. СЕМЕНОВА.

Мелведево,
У Арбан.

Изи мастар

Почкалтыш гыч пулашкамуно

Нöргö почкалтышым шолшо вуд дене мушса да тыгыдын пүчкедыза. Муным шөр дене чот гына лугыза да почкалтыш дене варыза. Шинчалтымек, адак лугалтыза. Салмам ырыктыза, ушкал үй дене шуралтыза да почкалтышан муным опталза. Леведыш йымалне лу-латвич минут куктыза.



7 май - Радион кечыже



Сүретым чиялте.

Пиалан улам!

Шкемым эн пиаланлан шотлем: мыйын йоратыме кок изам уло. Кугуракше, Ярослав, 10-шо классыште тунемеш. Тудо спортсмен, ұшанле йолташ. Егор 7-ше классыш коштеш. Дневникыштыже – чыла «визытан». Изам-влак дене кугешнем.

Оля КУЗНЕЦОВА.
Волжский,
Кугу Корамас.

Физкультминутко

Паша лие – канена,
Верна гыч тарванена.
Кугурак шуралтена,
Кок киднам шаралтена.
Шолаш, пурлаш савырнал,
Төршталташ пырля тунгал.
Икыт, кокыт – тыгерак,
Төрштен колто писынрак.
Паша лие – канена.
Угыч верыш шинчына.

Н.Д.ИЛЬИНА.
Волжский, Карай.



Кöранымаш

Уремыште Маша мече дене модын куржталын. Вуй үмбалне вараксим чонештылын. Удыр ик жаплан модмыжым чарнен, кайыкым көранен ончен. «Тудо моткоч пиалан. Күшкө-үлыкө, тышке-тушко чонештыл кертеш. Ах, мыят вараксим гай лийшаш ыле!» – пелештен семынже.



Кайык ұдырын модмыжым ужын да көранен: «Могай пиалан йоча! Мыят тудын гай мотор лийнем, чатка вургемым чийынем, тудын семынак, портфельым кучен, школышко коштем, книгам луднем, мечым кышкылтын моднем, автобусышко шинчын кудалнем. Ах, кузе мый тиде ұдыр гай лийнем!»

Йоча-влак, могай шонымашда шочо?

В.СМИРНОВ ямдылен.






9 май

Самолётым, ужар танкым
Пайремлан ямдылена.



Фотошто: Дима Иванов, Сашенька Васильева, Марсель Николаев.

И.АЛЕКСЕЕВА.
1-ше №-ан Морко йочасад.



Антонимын мужыржым муза.

Күчык	тора
Весела	эрла
Күзаш	йүштӧ
Волгыдо	кужу
Лишыл	волаш
Ошо	шўлык
Тенгече	пычкемыш
Күшнӧ	шеме
Шокшо	ўлнӧ

Карина САПАРОВА,
Валерия СОКОЛОВА.
Шернур, Летник.

Мыскара йодыш-влак

- ◆ Могай тылзе эн күчык? (йем)
- ◆ Могай име дене ургаш ок лий? (ончы 'жом)
- ◆ Могай тылзыште календарь уке? (эсаяем)
- ◆ Могай курыкышто кў уке? (ячдыл немпо)

Юлиана АНТОНОВА.
Волжский, Сотнур.


1. Кўртнӧ упш.
2. Герой-пионер Марат ...
3. Я.Ялкайнын романже.
4. «Морко сем» драмын авторжо.
5. В.Юксернын повестьше.
6. Фронтеш колышо марий поэт.
7. Артиллерий орудий.
8. «Кугу сарын тулыштыжо» романын авторжо.
9. Салтак вургем.
10. Герой-ола.
11. Воинский званий.

Максим ГОРИНОВ.
Куженер, Ыштымбал.



Тушто

Кок гана шочеш, ик гана кола. Мо тиде?



Индекс: Марий Элыште - 78574, вес кундемлаште - 52713. Тираж 1300 экз. Заказ 879. Формат - А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службыв Приволжский федеральный округысо управленийыштыже регистрироватлыме. Номер - ПИ №ФС 18-1999, 2005 ий 10 февральыште пуымо.

Печатыш пуымо жап - 14-00, фактически - 13-00. Ак - кутырен келшыме почеш.

Авторын да редакцийын шонымашышт тўрлӧ лийын кертыт. Серыш-влак мӧнгеш огыт колталт.

0+

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательнын адресше: 424006, Йошкар-Ола, СССР Вооружённый Вийын 70-ше идалыкше урем, 20.